

進賢縣志卷之八

典祀志 叙曰國之大事在祀有其舉之莫敢廢也
矧大聖人之教思萬古為烈歟有聖之教薄矣若城
隍社稷及廟於茲祠於茲均以其功在教諸秩
二氏之教歷代相沿凡以先成民而後致

典祀志上

文廟

壇祀

文廟

附名宦
鄉賢

先師廟 禮至聖孔夫子

進賢縣志

卷之八 典祀

四配 復聖顏子 宗聖曾子 述聖子思子 亞

聖孟子

十哲 閔損 冉耕 冉雍 宰予 端木賜

冉求 仲由 言偃 卜商 顓孫師

兩廡從祀 滄莖滅明 武城人 宓不齊 魯人 原憲

字子思 公冶長 字子長 南宮适 字子容 高柴 字子羔

漆雕開 字子若 樊須 字子遲 司馬耕 字子牛 申春 字

公西赤 字子華 有若 字子牛 琴牢 字子開 東亢 字

禽陳 巫馬施 字子期 公哲哀 字子

字子木 冉孺 字子魯 顏幸 字柳 伯虔 字子祈 曹卬 字

魯人 冉季 字子產 公孫龍 字子石 漆雕哆 字子欽 秦

魯人 商 字子丕 漆雕徒父 字子斯 顏高 字子驕 商澤 字子

魯人 壤駟赤 字子徒 任不齊 字子選 石作蜀 字子明 公

良孺 字子正 公夏首 字子乘 公肩定 字子 后處 字子

陳人 鄒單 字子 奚容蒧 字子哲 罕父黑 字子黑 顏祖 字

襄魯人 榮旂 字子旗 秦祖 字子南 左人郢 一作左郢 字

句井疆 字子孟 鄭國 字子徒 公祖句茲 字子之 原亢

魯人 字子籍 縣成 字子旗 廉潔 字子庸 蕪役 字子 叔仲會

進賢縣志 卷之八 典祀 二

魯人 字子期 顏之僕 字子叔 邾選 字子欽 樂欬 字子聲 公

西與如 字子之 狄黑 字哲之 孔忠 字子蔑 公西戲 字

魯人 尚 字子 步叔乘 字子車 施之常 字子恒 秦非 字子之 顏

魯人 喻 字子聲 先儒左丘明 公羊高 穀梁赤 伏

勝 高堂生 孔安國 毛萇 董仲舒 后蒼

杜子春 王通 韓愈 胡瑗 周惇頤 程顥

歐陽修 邵雍 張載 司馬光 程頤 楊時

胡安國 朱熹 張栻 陸九淵 呂祖謙 蔡

真德秀 許衡 羅從彥

按洪武元年遣官釋奠於先師孔子定以仲春秋
二上丁日降香遣官祭於國子學四年更定釋奠祭
器禮物并樂舞生十五年詔天下通祀孔子頒釋奠
儀二十六年頒大成樂於天下府學令州縣如式制
造永樂八年令天下文廟聖賢衣冠繪塑不合古製
者悉改正正統元年令州縣儒學從祀先賢名爵位
次頒行天下學校永爲遵守三年禁天下祀孔子於
釋老宮又定祭丁品物其不繫出產者鹿兔以羊代
榛棗以土產果品代成化十二年增樂舞爲八佾遠

進賢縣志

卷之八 典祀

二

豆各爲十二嘉靖九年奉禮部勘合內關一議號通
行天下學校孔子神位其王號及大成文宣之稱不
宜復用廟宇只用稱廟不宜稱殿其四配稱復聖顏
子宗聖曾子述聖子思子亞聖孟子各神位十哲以
下凡及門弟子皆稱先賢某子神位左丘明以下皆
稱先儒某氏神位凡一切公侯伯不宜復稱以混成
周一代封爵之制一章服之加起於塑像之肅亂俱
照前定稱號欽遵我皇祖考定南京國子監規制止
製木以爲神主本部仍議擬定大小尺寸着爲定式

一切塑像國子監令祭酒等官各學校責令各提學等官即便奉行毋撤勿得存留使先師先賢之神不復沉於土木以別釋氏之教一樂舞籩豆令兩京國子監遵照國初舊制用十籩十豆天下府州縣學用八籩八豆其樂舞只用六佾以別郊廟之祭祭期每歲用春秋二仲月以四時之正也其日用丁取陰火文明之象也主祭獻官以本縣長官主之儀節大槩與社稷同但改詣神位爲詣至聖先師孔子神位前及增四配並分獻行禮一節分獻官以本學教職爲

進賢縣志

卷之八

典祀

四

之行於初獻之後焚帛瘞理在廟之西北器用尊三先師一四配一十哲一爵先師四配每位各三十哲兩廡每位各一登先師四配各一盛大羹釧先師四配各二十哲各一盛和羹籩與豆先師各八籩盛鹽菜魚棗栗榛芡菱鹿脯豆盛菹韭菁芹笋醢醢鹿兔魚四配每位籩豆各六盛如先師籩去榛芡豆菹去韭醢去醢十哲每位兩廡每四位籩豆各四盛如四配籩去魚菱豆菹去笋醢去魚籃與簋先師各二簋盛黍稷簋盛稻粱四配十哲每位兩廡每四位各一

簋盛黍簠盛稷俱遵左豆右篚先師四配每位十哲
每五位兩廡每廡各一每筐盛帛一段白色長一丈
八尺共用帛九段牲先師羊豕各一匣二盛置四配
共羊豕各一各分爲四木盤盛置十哲每五位豕一
分爲四兩廡每廡豕一照位分爲段盛俱用木盤每
祭用牲羊二豕六鹿一兔九嘉靖壬戌本學教諭李
惟寅看得在庫祭器止有銅爵乙百四十個銅籩豆
二十四個銅簋簠四個錫爐瓶酒罇年久毀壞其餘
器皿俱無殊爲缺典查有本學扣剝缺學糧齋夫銀
一十二兩九錢八分零堪以動支造作關呈本縣轉
申撫院提學道許允教諭李惟寅命工精製祭器始
備祀典有禱焉

啓聖祠

祀聖父叔梁大夫聖母顏氏元文宗封爲

啓聖王明嘉靖九年詔天下學校立廟致祭稱 啓

聖公孔氏神位以顏無繇曾點孔鯉孟孫氏配俱稱

先賢某氏神位以程頤朱松蔡元定從祀俱稱先儒

某氏神位祭同先師春秋二仲月上丁日牲用羊豕

各一

名宦祠祀

漢南昌尉梅公福

宋知縣江公介程公迥

明知縣梁公璧張公冲吳公璉王公紀劉公源濟何
公鏗湯公聘尹毛公一瓚黃公汝亨程公光何周公
光祖司訓談公一鳳

國朝署尹何天錫

名宦舊與鄉賢同祠嘉靖三年尹吳性夫始特立祠

邑人舒芬記名宦故無祠有自侯也故惟雜處鄉

進賢縣志

卷之八

典祀

六

賢而已侯來蒞茲邑百廢具舉常黜邪崇正謂二祠
爲天下通祠矧激勸大機也混則不可嘉靖三年秋
九月遂岐而二之鄉賢仍故所名宦今徙祠學陰相
距百步便崇祀也祀者爲誰子真梅先生也繼是若
江介程迥梁璧諸公則皆聞風興起者其在當時或
請叔威權或奏免民租或政寬令簡或吏畏民懷凡
此均名宦其於義祭均也祠成侯方肇稱殿禮於祠
下漢曰後其有興乎蓋凡吏茲土者登堂走奠金像
興思頌相謂某以某能某以某績得垂不朽大丈夫

當如是也若等庸自諉乎既而作曰顏何人斯希之
則是願力行何如耳苟惠澤及人有利社稷是謂能
興也其享有名稱固宜或者又曰祠以昭報也奚有
於興與非爲好名者立幟耶噫三代而上人惟恐其
好名三代而下人惟恐其不好名蓋名者治世修身
之具好名則事在勉強勵行檢強政治投之所向無
不可者名實未始不相須也是之謂有興者乃徒名
而不知實務則名爲果斷實則剛愎名爲清廉實則
矯激名爲仁慈實則柔懦夫然則實與名違用是重

進賢縣志

卷之八

典祀

七

爲好名累殆不足與言興也已茲因華名之過而謂
務實勝者爲之乎務實勝者有實斯有名予故表而
出之使凡過斯廷者不徒歆羨而已景仰高風輒動
夫弔古懷今之想爭自激勸以興廢幾斡旋人心一
大助也後之視今亦猶今之視昔此侯意也亦予意
也侯謂誰宣城吳南峯性夫也噫德業聞望可名如
四公者宜登諸祠而享報無窮後之諸君子同符者
夥矣祠之報之一一侯公論定云

嘉靖十一年尹張裕重建祠於學宮左東向

邑人

張臬記明朝興茲邑名宦之祠實自劉公東圃武皇
之季民難猝未遑於祠故惟鄉賢是附逮吳南峯先
生弗是混處乃擴茲美意擇學舍故宇祠之以便崇
祠梓溪先生記之甚備厥後祠寢圯廢弗振君子惜
之士辰春我侯其節以先匡論孔子劾大司成罪狀
自諫垣左遷歷補是邑爰浴而慨焉曰是祠也重圯
則不嚴其何以綏靈爽矧西面弗尊背聖匪惠其何
以昭休德章物采非南峯意也是在我厥秋富民王
信請輔事侯嘉其忠可之乃亟度學宮羨地俾建焉

進賢縣志

卷之八

典祀

八

未越月而祠立前拱御製箴亭右翼殿靡惟東向棟
宇粉漆惟新惟飭合今昔所議凡六人入祠惟謹於
是治東臬聞而嘆曰嗚呼事有曠世而相感者機也
弗可得而謀也事有異世而相成者勢也弗可得而
違也茲惟六人者異爵同賢率協祠典耀在志記可
攷而知嗣是孤忠峻義障我邦土東圃何其烈也廉
明仁斷若南峯古循吏弗讓矣而高明重泰山惠愛
若慈母孰有其節者乎是故三公之行於昔有光而
六賢之祠於今爲烈茲非天機之相感爾耶常觀二

代異尚因時立教不得不然始東園肇祠惟誠尚忠
意也南峯祠之性敬匪崇質與侯茲改圖而文始郁
郁然成矣非勢以時異胡屢變而後定也夫重祠報
也報舉而勸富矣成祠敬也敬立而順昭矣報以宏
功勸以錫類義之宜也敬以褒賢順以甄物禮之崇
也義宣故吏率而民和禮崇故風雅而民定二物具
而政之章也教之成也理之上也舉見乎爾矣祠之
繫豈其微哉書曰告侯曰休哉言矣鐫石遺後之人
俾勿壞

進賢縣志

卷之八 典祀

九

鄉賢祠祀

唐

真隱臧公嘉猷

徵士魏公

公名不傳舊不祭而徇俗妄題爲墓

宋

朝奉大夫知汀州羅公必元

朝請卽兼通判岳州陶公慶桂

漕貢永興縣丞趙公汝慎

元

儒學副提舉熊公釗

忠文先生包公希魯

舊題為明忠文包公熊鶴墓云
忠文私謚也包公全節於元與

熊伯幾

同耳

明

泉州府學教授曾公振

四川布政司右叅政陳公謨

廣西布政司右布政使熊公鍊

山西按察使于公大節

光祿寺卿楊公峻

進賢縣志

卷之八

典祀

十

太常寺少卿季公源

金華知府贈右都御使萬公福

鄉貢進士舒公綱

刑部右侍郎朱公廷聲

太子少保吏部尚書萬公鏜

都察院右副都御史萬公潮

翰林院修撰謚文節舒公芬

南京刑部尚書傅公炯

嘉興知府何公社

右都御史進階榮祿大夫張公臬

刑部侍郎贈尚書謚恭肅曾公鈞

陝西布政司左叅政雷公慶麟

南京都察院掌院事右都御史熊公汝達

南京工部右侍郎謚恭恪江公治

鄱縣知縣贈翰林院簡討吳公仲

工部尚書食從一品俸贈太子少保李公輔

右春坊右贊善兼翰林院編修諫公棟

監察御史饒公崧

進賢縣志

卷之八

典

封順慶府知府饒公裳

贈工部右侍郎饒公汝楫

河南右布政使江公滙

山東布政司叅議樊公兆程

四川副使姜公玄魁

江南瓜州同知陳公良言

兵部侍郎饒公景暉

廣東左布政饒公景暉

四川右布政饒公景曜

刑部侍郎饒公伸

蒼梧道副使饒公景陽

布衣理學顏公備

睢陳道副使陳公應元

封南雄府知府金公景耀

贈左春坊左諭德傅公墮

國朝

兵部尚書熊公明選

太僕寺卿傅公應期

進賢縣志

卷之八 典祀

十一

贈太僕寺少卿朱公承韶

壇廟

社稷壇 按社者五土之神稷者五穀之長白虎通

曰人非土不立非穀不食故封土立社示有土之尊

稷五穀之長故封稷而祭之也周制諸侯立三社大

夫以下立一社祭法曰諸侯為百姓立社曰國社大

夫以下成群立社曰置社國社者今之郡縣社也置

社者今之里社也社者以勾龍配之稷以周棄配之

社壇在東稷壇在西俱北面而築壇繚以周垣而四

面開門其諸侯壇各用方色之士大夫以下但各以地所宜木立之漢高初起禱豐枌榆社二年東擊項籍還入關因命縣爲公社其後又令縣以春二月及臘祀后稷光武二年令郡縣皆置社稷太守令長侍祠牲用羊豕隋文帝開皇初建社稷州郡縣於春秋二仲月並呂少牢祭百姓亦各爲社唐天寶四載定社稷爲大祀宋自京師至州縣皆有社稷而社主不以石禮部言社稷不屋而壇受霜露風雨以達天地之氣故用石主取其堅久從之主形如鐘長二尺五

進賢縣志

卷之八

壇祠

十三

寸方一尺刻其上培其半以春秋二祭刺史縣令初獻州佐縣丞亞獻州博士縣簿尉終獻牲用少牢致齋三日服用常服禮器正用尊二壺豆八簋盞俎各一明洪武初令各縣置社稷同壇壇東西南北俱二丈五尺高三尺四十陛各三級北向壇下前十二丈或九丈五尺後及兩旁各五丈繚以周牆四門紅油北門出入石主一長二尺五寸方一尺埋於壇南正中去壇二尺上露圓尖神牌二以木爲之硃漆青字身高尺二寸濶四寸五分厚九分座高四寸五分濶

八寸五分厚四寸五分其神號曰縣社之神縣稷之神臨祭設於壇中置案上祭畢則藏之壇之西爲神厨爲庫房爲宰牲房器用籩豆各八簋簋各四尊三爵六劍二匣實羊豕各二籩實棗栗盥菜魚豆實韭醢醢菁鹿醢或用兔簋盛黍稷簋盛稻粱劍盛和羹奠用帛二黑色長一丈八尺祭以歲春秋仲月上戊日獻官以長官一員齋三日祭日省牲陳設以毛血瘞於坎迎神奠帛讀祝禮用三獻飲福受胙徹饌送神望瘞餘官陪祭武官不預今壇在縣治西城內洪

進賢縣志

卷之八

壇祠

十四

武初尹梁璧建萬曆知縣黃汝亨改立西門外知縣周光祖復改立城隍廟右卽舊布政司遺址

風雲雷雨山川壇 按黃帝祭山川有虞氏秩於山

川山川之有祭所從來矣禮天子祭天下名山大川諸侯祭各山大川之在其地者周制大宗伯以雩燎祀風師雨師風雨之有祭則自周始故月令立春後丑日祭風師於國城東北立夏後申日祭雨師於國城西南後漢令郡縣皆以丙戌日祀風師於戌地以己丑日祭雨師於丑地唐天寶四載令諸郡風伯壇

置社稷之東雨師壇置其西各稍北數其步其壇卑
小於社壇祀用羊一籩豆八簠簋二官準祭社例五
載詔曰祭主振螯雷爲其始畫卦陳象成物效靈今
雨師風伯久列於常祀惟此震雷未登於群望其後
祀雨師宜以雷師同壇宋皇祐中風師壇高四尺東
西廣四步雨師雷師壇周六步政和之制風壇廣二
十二步雨雷壇廣十五步皆高三尺四陸風師一壇
二十五步其雨師雷師二壇同躔有司言社稷五祀
先薦爛次薦新風師雨師止薦熟從之自後郡國皆

進賢縣志

卷之八

壇祠

十五

有壇祭風伯雨師之神然山川之神歷代惟四望而
郡縣未有壇祭城隍之神不見經史惟唐李陽冰有
當塗縣城隍記亦未有祭者明洪武初元令各縣以
春秋仲月上旬擇日同壇祭風雲雷雨山川城隍之
神設三神位位風雲雷雨於其中山川居左城隍居
右儀同社稷風雲雷雨帛四山川二城隍一俱白色
正祭先以毛血瘞於坎改望瘞爲望燎今壇在縣治
南來撫門外二里洪武初尹梁璧立

城隍廟

按城成也隍池也宋崇寧初縣廟於忠武

廟之側元以前縣城隍神皆封曰顯佑伯元世祖遍
配山川以人本縣城隍配以樊噲我太祖二年正月
以配人非是革去而封郡邑之城隍以王公侯伯其
縣邑封誥云瞻此縣邑靈祇所司威靈丕著福澤普
施宜封曰鑿察司氏顯佑伯顯則威靈丕著祐則福
澤普施及三年五月詔天下只以郡邑稱本縣即云
進賢城隍之神云又俗以五月十一日爲神誕成化
八年以張九功議革太祖三年詔曰朕惟爲治之道
必本於禮考諸祀典如五嶽五鎮四海四瀆之封祀

進賢縣志

卷之八

壇祀

十六

自唐世崇名美號歷代有加在朕思之則有不然夫
岳鎮海瀆高山大水自開闢以來至今英靈之氣萃
而爲神必受命上帝幽微莫測豈封號可加瀆禮不
經莫此爲甚夫禮明神人正名分不可僭差今依古
定制只以山水本名稱之躬定祝文遣官以更定神
號致告祭此後去前代封號稱曰進賢縣城隍之神
與風雲雷雨山川同祀於壇其祭無祀鬼神必前期
詣廟發告文至日設城隍位於壇以主之凡新官到
任必先詣誓及凡爲民祀禱與興大事必先祭告洪

武初知縣梁璧建於縣治南萬曆間知縣黃汝亨建
儼若軒於廟右以便新任齋宿知縣周光祖重修之
邑人饒景暉記邑城隍有廟制也守土之臣以時
致敬邀福於捍災禦患用庇吾民余鍾陵爲洪都巖
邑舊有廟於邑治之東南邇且漸圯弗稱明神宅常
西周侯旣奉命守鍾陵祇謁廟下慨然嘆曰朝廷不
以令不敏畀以城隍之重神實與令共治而分贊之
令鳴琴堂上稍足蔽風雨而神所居未克葺非令所
安其爲民議更勑之於是約躬塞冗鳩材庀務佐以

進賢縣志

卷之八

壇祠

十七

月入俸錢用或有加百姓乃延斑爾乃彙纂函去負
苞登鄧梓刪輪茵綴鏤梲外有函道內有局室三齋
之師塗以丹腹舒罟宏睿蓋視昔加雄焉旣落成屬
不佞紀厥成事不佞庇侯宇下與境內之民共紹見
休何敢以不文辭然不佞聞之有有形之城隍雲堞
天塹是也有無形之城隍厚澤深仁是也社而稷之
尸而祝之人之以城隍神也未雨綢繆旣濟衣禘城
隍之以人神也侯才思精敏風裁嶽立恥效俗吏暗奉
態下車以來持廉布聞凡所以爲鍾陵德覆未

僕其大者在振士風扶民脉抑權璫數事皆健令所不及圖而循良吏所相視而莫敢發者蓋最爾敝邑舊有聞於海內微論遠者即國朝舒文節諸公文章德業責相望於朝而降萬以來芑而復奮則繫侯是賴諸如立學由正文體畧玄賞駿取魴舍鱗士爭拔玄茅以自顯是文翁之蜀也敝邑之賦所司亦既有額矣適當事者以時之方匱稍議頭會侯不難以身爲民請命奏記凡十數上必得請乃已壇石赤子始得與科雉隨兇並受憐惻於時是陽城之道州也稅

使啣命虵神戴角奔走之吏虎冠而翼儀掌賸畜之不復貸以三尺至今縱橫四出之奸相戒勿邇鍾陵道下泉之根不傷小東之薪獲載是裴晉公之五坊使也它如望杏敦耕瞻蒲勸穡輿梁成而驛潔從慘宜岸䟽而露魂扇陳以至街彈之室延鷺之堠靡不畢修猶其緒餘者耳維城不改復隍不虞侯之所以爲鍾陵德者真不翅九州之被萬間之厦也城隍以侯重亦以侯神斯廟之修葺綱紀之一政哉異日者下褒異之詔好仇腹心之托實將委重焉毋亦以今

日宰邑者宰天下徹棄戒祕爲天子贊厚澤深仁之
理請以茲不文之言爲左並矣侯名光祖字伯繩韋
西其別號直隸之崑山人以甲辰進士起家爲今官
國朝初年頭門二門燬於今六廟且壞尹聶當世捐率
重修

邑厲壇 按祭法王爲群姓立七祀其五日黍厲諸
侯爲國立五祀其五日公厲大夫立三祀其一日族
厲厲者鬼無所主而其氣未散故好爲人禍故有司
祀之以爲之主傳曰鬼有所歸乃不爲厲是也明洪

進賢縣志

卷之八 壇祠

十九

武勅令天下各縣每歲春清明秋七月十五日冬十
月一日祭無祀鬼神其壇設於城北郊陰之極也祭
則先期三日主祭齋沐用常服備香燭酒果詣城隍
廟發告文至日設城隍於壇上牲用羊豕各一設無
祀牌於壇下左右日本縣境內無祀鬼神牲用羊豕
各二解置於器同羹飯等陳設主祭陪祭官各就位
行四拜禮主祭官詣神位前跪三獻酒復位讀祭文
跪仍行四拜禮祭文同紙焚今壇在縣前西迎恩門
外洪武勅尹梁璧立萬曆間尹黃汝亭改北門外

里社壇 按洪武禮置凡各處鄉村人民每里一百戶內立壇一所祀五土五穀之神祈禱雨暘時若百穀豐登每歲一戶輸爲會首時常潔淨壇場遇春秋二社預期率辦祭物至日約聚祭祀其祭用羊豕各一酒果香燭隨用祭畢會飲會中先令一人讀鋤強扶弱之誓其詞曰凡我同里之人各遵守禮法毋恃力凌弱違者先共制之然後經官或貧無可贖周給其家三年不立不使與會其婚媾喪葬有乏隨力相助如不從衆及犯姦盜詐僞一切非爲之人並不許

進賢縣志

卷之八

壇祀

二十

入會讀誓詞畢長幼以次就坐盡歡而退務在恭敬神明和睦鄉里以厚風俗本縣各鄉都里壇凡一百六十有五俱尹丁全立

鄉厲壇 按洪武禮制每里立壇一所祭無祀鬼神祈禱民庶安康孳畜蕃盛每歲三祭時日與邑厲壇同祭物牲酒隨鄉俗置辦會首會飲讀誓諸儀俱同禮社本縣各鄉都壇凡百六十有五俱尹丁全立今壇祭俱廢矣

文節祠

祀舒公芬大學士張位記周侯爲進賢宰

夙夜勤民尤惓惓以崇尚風教為務景仰先哲因思
舒文節公本邑木有專祀豈其見重於天下而俎豆
尚靳於鄉寧非一方曠典乎乃卜地縣治之西建祠
一所中堂居文節神主顏曰真儒名世前門三楹顏
曰舒文節先生祠由儀門升堂後復建一堂又築基
為高亭可登眺望兩廡翼然周垣嚴固費凡若干未
資官帑役凡若干未藉民勞工肇萬曆戊申冬巳酉
夏申詳督學使者定春秋二祭詎六月六日侯躬奉
神主率闔邑諸生行釋菜禮屬予記之勒珉以垂永

水不謂事有待人後行者視所尚也人有曠世相感
者豈才德也是舉也以揚前烈則美而彰以興後賢
則盛而傳補苴舉未舉之曠典遂欲祀未祀之公心
非我侯其疇克為之江右風節相尚忠臣義士項背
相望若文節公何可當也武廟為宵人煽惑鏡意南
巡是時寧濠陰蓄異謀殿陛大臣相與從吏內應公
抗跪首倡留駕謂藩國有共濟之志大臣懷馮道之
心視當宁為奕棋以革除為故事痛哭泣血不忍為
陛下言者由是各署諫疏紛紛繼之當事者徇上意

禁約言事文節公百有七人跪午門外五日公受廷杖尋謫福建而船提舉公疏雖觸上怒而車駕亦不果出厥功偉矣公疏後不數月而寧濠兵起當時倘采公言預伐叛謀自可消患未形語云曲突徙薪無恩澤寧爲永漢世皇賤祚復公原官循例陞俸一級公力辭既大禮議起公執爲入後者不得顧私親疏三上勸哭左順門乃受廷杖如前九死不悔公潛心經學著述甚富而尤加意周禮校訂成編曰周禮定本至於律曆象數無不洞究其奧公銳意聖賢之學

進賢縣志

卷之八 壇祀

二十三

守洙泗濂洛正傳後進相見必勉之聖人可學而至又謂心術與學術相符者也懷居與懷利相因者也爵祿不入於心溝壑不怠於念可謂士矣公與羅文毅公先後第一人官同謫同其忠諫學問無異萬曆戊子大宗伯丹陽姜公請此文毅例獲加贈謚乃今復有專祠不足以徵直道忠獻久而益彰乎公擢巍科官清著將來何不可爲兩朝抗疏皆社稷綱常大計名震天下而行篤循牆無所爲而爲之諒哉古之遺直矣其視一封朝奏意氣飛揚明珠彈雀聞提叙

効者詎可令舒先生見哉竊惟宇宙間萬形皆散而
惟正氣常存撐持世界挽轉頽風非此則莫可恃者
松柏獨也冬夏青青其文節之謂歟周侯志行才品
俱高夙稱三吳名士邑中連遭水患侯殫慮救援災
不爲害而尤汲汲此舉趣操可知詩曰惟其有之是
以似之跡其今日所尚可占異日樹立矣予聞此舉
歛衽起敬喜談而樂道之文節孫都丞琛從予遊文
學能世其家記成因付之以具復於周侯爾有溢辭

尹周光祖文節祠成志喜詩憐予不貲買山錢特

進賢縣志

卷之八

壇祀

二十三

構迎尸聞道先濂洛千年憂墜地鉢衣一旦續中天
鳳凰山傍儀堪羽日月湖分儼叶互北面如君皎法
五敢容別乘廟狐禪

節士祠 包希魯記節士祠者龍興路判官兼領水

兵千戶大梁辛君敬旌樊明仲以下死節之士十有
四人而作也士之死於節者以其激於義也至正十
二年淮蔡之兵南逼豫章君時以道州錄事判官需
次郡城憤切敵愾受命藩闔在擊江東連勢之黨黨於
郡東之十四人以戎卒從君先後而死者當時君以

徒手單騎糾兵彭蠡之上之十四人者實來或以率衆至或以勇敢用或以善謀畫進其人雖有高卑之殊而其致身於死則一也矧皆非有職司祿食以居位者故咸得祠焉若明仲與其從弟友仲從子用行及徐思德則皆儒者也故首奮倡義勇決捐身而陶正道傳煥章饒思舜則志以口舌挫擊而招捩之者也至若能有源之慷慨陳伯通之驍勇徐弘道之堅毅葉明遠兄弟之激烈果鏡咸可尚焉若劉清公之爲浮屠沈壽之出騶卒則尤不可泐沒也樊氏三人

進賢縣志

卷之八 壇祀

二十四

行中書既循著令而褒贈之矣君猶閔夫其或泯於久也乃悉列祀而復勸其死事之蹟於石焉夫聖賢汲汲焉教民知義者非趣人之蹈於死也以明夫義則能忠君親上相保以生也縱不幸爲義以死則其坐氣豈不烈烈然天地之間哉其含恥苟偷以存其喙息者人恒視以狗彘不若也雖生百歲而何爲者耶此義之在所貴節之在所秉而祠之所以作也

廟祀

康王廟邑治西壇石山右 舊傳自周受命敕封善

利孚應康王汪鎮鍾陵福善禍淫水旱祈禱無不響
應民崇祀之

康王本縣福王也舊志謂不知其人說者以為周
康王又為楚康王其非周康不足辨若楚康則廬
山有祀此或其分祀與然而黑以為蘇蝗則莊王
事也亦非是予初聞饒祀康王者查之乃文吏各
康肅亦自而今聞建昌有康王祀乃宋將康保裔
勳有德於建後死邊事原係胡人抑其祀流入本
縣

關聖廟 邑治水西關外

樊修職即廟 在崇禮鄉 宋建炎勅立事詳人物洪武間樊用節重修

密都統廟 在龍馬坪舊名忠勇至正間改今額密

進賢縣志 卷之八 廟祠

公傳諱良吏 邑人朱尚質詩憶昔經過龍馬坪因

問在時龍馬兵男兒死耳不苟屈鄙夫患失皆蠅營

吁嗟密佑真宋將以少為多直為壯豫章東上進賢

西嘶馬如雲塞平壤將軍快戰血成池重圍勿破雙

刀揮軍殲身脫將有為但見追騎凌烟飛翻身追射

仍奪馬至今父老猶能詫有腰不佩虎符金有頸寧

將血鋒緒漫漫大野際天蒼白骨白眼明於霜陰風

翻蒿狡兔穴行人不過生凄涼密公壯節信無敵忠

臣何必分南北當時稽首皆侯王獨寄荒祠鄰草木

民俗因循六十年豆籩不修香火寒觀風使臣日如
水只有志士空相憐知君吊古意無限一讀君詩三
感嘆君素曾從犬吠堯賜官下詔光前傳 萬曆間
尹毛一瓚重修尹黃汝亨申請春秋二祭申文云查
勘得誌載宋都統密公佑義勤王室功捍豫章被十
許創而戰不怯死猶云得將之鋒羈一月餘而誓不
俱生真是忠臣之節鄉有祠廟已崇報於百年邑廢
籩豆尚遺憾於千載夫唐有張許宋有文謝英烈可
與並垂而康山祀忠臣廟南昌祀懷忠祠事例亦應
進賢縣志

卷之八 廟祀

二十六

同體何於密公獨缺斯與合於公費項下動支祭儀
貳兩每歲春秋遣官一員致祭庶足激揚已逝忠魂
砥礪未泯風教 督學趙 函乙記忠孝者此心此理
之絕續關也自人心之忠孝絕而國家之喪亂隨之
然此理之必不可絕也故雖造次顛沛金戈鐵馬之
中往往或存乎其人見乎其事抑人心之必不終昧
此理也故雖野夫牧子與之矢談忠孝追尋斷碣殘
碑表章往烈亦輒徘徊不忍去余蓋欲窮古忠孝淵
源而心緒難與尋者常過宋都統密公廟視其碑記

軼事不禁神往焉宋自南渡以迄末造張劉韓岳相繼隕沒賊臣賣主襄樊失守制置使黃萬石鎮西江不支納款於元都統密公廼以偏師當賊於進賢之龍馬坪奮雙刃於全師旣歟之後義不顧生所向披靡無何以馬陷被劫虜帥愛惜之至百端誘之不屈迄今讀其教子行乞數語何凜凜多生氣哉顧宋史反不詳其人其事何歟無亦列史所載多循名文飾而節烈之實可表見者反多遺逸歟按都統廬州人余家世於廬自宋元迄明數百載父老亦絕無爲我

進賢縣志

卷之八 廟祀

二十七

言都統節槩者明末廬爲逆賊張獻忠所陷郡誌都燼其或紀載都統行藏有無亦無復可考豈其忠勇大節遠俎豆於西江而近反遺於家乘耶抑彼時廬早淪胥都統父子俱死國難而親故無復知其存亡誦述其忠烈者故不及傳歟先是余較士按部及撫道過將軍廟未獲親及閱撫郡誌得詳公之族里與公死忠狀而慨嘆曰先賢芳規具在惡乎覲面失也癸巳秋再出彙士宿南郡之武陽渡夢入一古廟殿壁頽垣一龕傾欹有黃幕龍罩其上中若有神不知

何許人彷彿聞人語曰此是汝前身覺而語同車者
莫測其由也行行再過將軍廟下車禮謁則儼然夢
中所到余曰異哉今夕之夜其將軍有以啓除歟余
爲將軍里中後學生也晚悔不能表章將軍大節今
親至其死所又不能崇禋祀余實恥之抵進賢謀諸
縣令徐君出俸貳拾金付之擬薄負廟田爲養僧奉
香燈計徐君好義慨益十金爲之牛種一時鄉人及
諸生之好義者遂爭捐貲廣其田增廟式廊及余還
憇其處則得僧人殿後益廊廡間又爲僧寮供佛
進賢縣志

卷之八

廟祀

二十八

之所間余再留拾金爲將軍神座地座旁有二少
年像或傳卽將軍子與其將佐某氏云嗟乎方宋祚
之傾覆也人道云二將軍獨以義勇一身先天祥秀
夫而有其正氣及今廟祀四百年亦幾幾乎傾廢余
爲之首事追崇鄉人士輒踴躍競新之信乎忠孝之
不可磨滅而此心此理時隱躍絕續有如斯哉工旣
竣僧請余記其大畧至若將軍死國難之始末與夫
廟貌中間之興廢則明撫軍周莓厓先生記之甚詳
余且備錄其文將以補家乘國史之闕茲不重及進

賢令徐君者諱鳳鳴遼東人其廟左右之居人及諸生姓氏則又有春祈秋社之木版具載亦姑不贅

三聖廟 壇石山內

江東廟 在滅山

忠靖廟 在南城峯

白象廟 在鳳嶺巔

湖漢廟 在楊橋

湖漢乃四瀆之神元世祖從遊家說肥以焦曾二天將其勅封亦元時明太祖遜章山川之神皆從本號如泰山只稱泰山之神湖漢只稱湖漢之神云 湖漢水神也不知姓名說者曰在天為臻

進賢縣志

卷之八

廟祀

二十九

焦在地為湖漢此亦不過分配之說大抵南方之水莫大於湖漢今按其像湖寬大漢英發且金甲武裝而足下二渡子乃衆渡所歸也但人相傳渡子為負鱗亦龍種當日作水怪為湖漢所収服鄉方祈雨保產多靈驗蓋為邑東方福神祖廟楊橋裴橋本縣版圖今割東鄉縣

黃司空廟

縣治西馬步塘之上

按黃司空諱法

甄字仲昭新建巴嶺人史稱其忠義有胆力能距躍

二丈日行二百里此之為異已自天授又閑書疏明

簿領為士民所推即所著持居然經世之規頃侯景

之亂公即合徒里間內為桑梓保障外為建業應援

何其烈也時太守賀詡下江州公已監知郡事起

其行陳武帝將入長金陵李選仕中樞帝命周文育
領西昌爲侍衛以兵資育破選仕而自屯新淦據豫
章上游已而侯景遣千虞襲豫章將拚公不意公卒
破千虞殺之自是其終不得窺大江以西大江以西
人且較然知有逆順辭死不敢相附諸鎮之授得得
自堅公之力也頃領高州刺史拜新建侯永定二年
新吳人徐孝頌據豫章公與周迪擒孝頌以功授平
南將軍開府儀同三司已而迪反公又平之內史熊
曇朗反金口公又平之累功進爵爲大將軍領江州
進賢縣志

卷之八

廟祀

三十

刺史光大五年大舉北伐公爲總督出歷陽大收砲
車步糧之功進兵合肥禁侵掠躬勞撫則又浸浸乎
仁義之師矣比加待中封義陽郡公鎮壽陽竟贈司
空蓋國威豫章人血食之自梁陳以來至今未改也嗚
呼江州高州人雖無政刑也與豫章不相及豫章人何
以龍公舊豫章者交廣之襟喉吳楚之要會而又金
陵之門戶也豫章不守則金陵受其衝交廣之賦不
入楚蜀之委輸必斷故公一守豫章而地慶之襲敗
孝頌之據敗曇朗之叛敗公雖無煦煦偪拊之政而

大有造於豫章者三焉况身犯鋒鏑履危險出民水火而厝之衽席之安此其為烈又豈一粟一帛哉天以豫章賜公於世食邑此所謂禦大災捍大患則祀之宜也

金廷璧記

東岡廟 在毛家渡

良訓曰東岡古刹據軍湖之上遊當衆山之環映予幼時向未過而聞焉年十九戰陳歸病痘萬劫千磨半載牀褥瀕死者幾度乃予夢寐所交惟東岡神實翼予予不死也語曰恍兮惚兮其中有物爾時不止恍惚見矣嗣是予歲修享祀一盂蹄揭以趨陰通籍後顏曰其神如在再瞻廟貌棟折壞崩頽然欲圯亦稍捐助葺之嗟嗟此神弗謂不奇也予生平不慢神亦不媚神何緣作合惠微知

進賢縣志

卷之八 廟祀

三十一

已敢謂予合德神明耶無亦是東岡一片土吞吐層巒遠撫華蓋均峯近捲熊嵐赤嶺火石面參傑翠背盪萬頃泱泱澎湃每晨夕風雷作則浪奔虎波觸龍蛟豨怒潛鯤鵬噴噀此一方靈異氣神祝之而若有慧心眼耶世言菩薩聖像塊然死物大不其然如若神者度死則慈轉輪則法卒然相遇神而快確然相示神而端慈也法也俠也端也神可不朽予身親事志之

忠壯廟 縣治北師過渡右祀吳五員歲久廟壞

尹聶當世重建自為記鐘陵邑北鬼子岡相傳為節

甲居伍公子胥入吳所經地厥山平行延袤去壇石

里許為邑外郭隔岡數武有溪為下埠廟蓋伍公特

祀也此方人好義崇賢此其一微余甫蒞茲土捺刀

學宮講議未遑山川名勝屢跡罕至初不知有斯廟
一日同里有視余者出謁伍相詩余閱之爽然不禁
愴懷感念而不能已嗟乎伍公若而人者無古無今
無遠無邇莫不感之敬之而且祀之大丈夫之宜自
立以表見於世如此余於是謁公還視斯廟蒼寒寂
歷茂草侵几席勢不可一朝當是之時余竊有心暨
己酉歲爲歷任之八年會進以荒蕪故

朝廷分插闈將士墾實繁有徒而下埠廟爲屯寓余
忽夜夢一神修髯偉狀揖余而言曰吾與君相不甚
進賢縣志

卷之八

廟祀

三十一

遙其遂仍吾舊址而弗爲之所如是者再言畢而去
余亦旋覺汗駭浹背猛然以省倘所謂吾鄉伍公子
胥者非歟伍公生長與余同邑迄今其里猶有伍相
壘倒挿槐遺踪後裔蕃衍文人輩出殆忠孝遺風云
夫桑與梓一物耳且必恭敬止焉况公勇智天錫功
名震耀爲吾楚人傑哉脫弗克舉公祠而新之反出
邑人士下余也有心其曷能已爰相地於鬼子岡之
旁各邑之薦紳先生父老國人僉曰善於是悉衆俸
俸以築新舉礎材量役諏吉興工經始於己酉之

閱三月而落成枕山面溪常湖九山鳳嶺在臺諸勝
概蜿蜒映帶如入我衣袂間前爲山門中爲殿一置
伍公座以妥厥靈後爲大士堂以供佛上則文昌閣
以崇儒匪祇攬勝壯觀爲也抑以明伍公一身幽而
佛顯而儒皆相對無愧是以宜祠之也稽諸春秋公
以諫不行沒於吳時吳人憐之立祠於江上命曰胥
山後千百餘年狄梁公奏燬淫祀而公與禹太伯季
子四廟並存則公之爲公可以媲美昔賢風厲來者
上下千載其不可與淫祀而無丈夫氣者同年而語
進賢縣志

卷之八 廟祀

三十三

明甚論者或以辱墓一節少之不知君子之論事也
貴闡其幽方其去荆時奉建以奔鄭復奉勝以奔吳
患難存亡之際猶相依爲命周旋於建與勝無有二
心以視古托孤臣其忠貞爲何如豈直以強吳雪親
名垂後世也哉是爲記

漢王廟 在十五都羅石鄉水旱祈禱輒應 邑人
傅弘烈建

進賢縣志卷之八終

